

- *1. جموں کشمیر قانون ساز اسمبلی غو بجٹ اجلاس پہلک تیں شروع ہو رہیو ہے، جس خاطر تمام تر انتظامات مکمل کر لیا گیا ہیں۔
- *2. جموں کشمیر قانون ساز اسمبلی غا بجٹ اجلاس تیں پہلا نیشنل کانفرنس تے کانگریس نے ممبران قانون ساز غی میٹنگ منعقد کیں۔
- *3. وزیر داخلہ امت شاہ نے منشیات فروشاں غے خلاف سخت کاروائی تیز کرن غا عزم سنگ بھارت مانہ منشیات تیں پاک بنان غو عہد کیو۔
- *4. تے بھارت مانہ گذشتہ دہائی غے دوران غربت تے عدم مساوات مانہ نمایاں کمی دیکھی گئی ہے۔

Budget Session Arrangements

جموں کشمیر قانون ساز اسمبلی غو بجٹ اجلاس 2025 پلک 3 مارچ 2025 مانہ شروع ہو رہیو ہے۔ لیفٹنٹ گورنر منوج سنہا سویر 10 بجے جموں مانہ قانون ساز اسمبلی کمپلیکس مانہ اسمبلی سنگ خطاب کریںگا۔ یوہ خطاب اک رسمی موقعو وے گو، تے خطاب تمام ممبران اسمبلی غی موجودگی مانہ وے گو۔ بجٹ اجلاس غا تمام تر انتظامات مکمل کر لیا گیا ہیں۔ جن مانہ حفاظت اقدامات تے نشستیں غی ترتیب دی شامل ہے، تانجے اجلاس غی کاروائی مانہ بغیر کسے رکاوٹ غے چلايو جا سکے۔ توقعو ہے جے اس اجلاس غے دوران بجٹ غے متعلق معاملات تے حکومتی امور ورتوجو مرکوز کی جائے گی۔

Party Meetings

کل بجٹ اجلاس شروع ہون تیں پہلاں حزب اقتدار غی جماعت نیشنل کانفرنس نے اپنا ممبران قانون ساز غی اک اہم میٹنگ منعقد کی۔ یاه میٹنگ وزیر اعلیٰ عمر عبداللہ غی رہائش گاہ ورت منعقد ہوئی۔ میٹنگ غے دوران بجٹ سمیت کئی معاملات ورتفصیلی غور کیو گیو۔ اسے دوران کانگریس نے وی اپنا پارٹی صدر دفتر جموں مانہ پارٹی غا قانون ساز ممبران غی اک میٹنگ منعقد کی۔ میٹنگ مانہ پارٹی گا تمام ممبران نے شرکت کی، جس مانہ بجٹ اجلاس غے دوران چایا جان آلا معاملات ورت غور کیو گیو۔

HM Drug Traffickers

مرکزی وزیر داخلہ امت شاہ نے آج کہیو ہے جے مُلک پھر تیں 12 بکھ بکھ معاملان مانہ ملوث کُل 29 منشیات فروشان نانہ سز اسنانی گئی ایں۔ یہ سزا بہتر تحقیقات کیا جان بارے نچلی تیں اُوپر تے اُوپر تیں نچلی سطح توڑی طے شدہ حکمت عملی اپنایا جان غی وجہ نال ہی ممکن ہوئی ایں۔ اپنا اک سماجی میڈیا پوسٹ مانہ وزیر داخلہ نے کہیو ہے جے نریندر مو دی غی قیادت آلی سرکار منشیات فروشی مانہ ملوث افراد نانہ سزا دین تیں گریز تیں کر رہی ہے۔ جہیزا نوجوانان نانہ روپیہ پیسہ غو لالچ دے غے اس تندا مانہ کسیٹ رہیا ہیں۔ اُنہاں نے منشیات تیں پاک مُلک بنان غی خاطر معیاری تحقیقات غے سہارے لگاتار منشیات غی بدعت سنگ لڑن غو عہد کیو۔

Bike Rally- Drug Abuse

منشیات غی بدعت غے خلاف لڑائی غا اک نمایاں قدم غے تحت ریا سی مانہ اج مقامی نوجوانان گا تعاون سنگ اک ہائک ریلی غو غو اہتمام کیو گیو۔ اس اقدام غو مقصد لوکان نانہ واقف کرانو تھو، تانجے سماج نانہ اس بُرائی تیں پاک کیو جا سکے۔ اس ریلی مانہ نوجوانان تے سماجی کارکنان نے بدھ چڑھ غے شرکت کی۔ ریلی مانہ شریک زیادہ تر نوجوانان غو تعلق کٹڑھ سنگ دسیو گیو ہے۔ جنہاں نے منشیات غا استعمال غے خلاف بینر تے کتا چایا وا تھا۔ جن ور اس بدعت غے خلاف سخت پیغام درج کیا گیا تھا۔ یاہ ریلی بہیم گڑھ قلعہ تیں شروع ہو غے قصبہ غا بکھ بکھ علاقان تیں ہوتاں واں چناب پُل ور اختتام پزیر ہو گئی۔ اس موقع ور بولتاں واں ریا سی بیڈ کوارٹر غا ڈی ایس پی وشال سنگھ جموال نے اس بُرائی غے خلاف سماج غا اہم کردار غی گل کرتاں واں اس ور قابو پان بارے عوامی شمولیت غی اہمیت ظاہر کی۔ اس بارے گل کرتاں واں اُنہاں نے کہیو۔۔ بانٹ۔

Protest Drug

جموں پراونس بچاؤ منچ نامی اک تنظیم غی طرفوں جموں مانہ منشیات غی بدعت غے خلاف احتجاج کیو۔ احتجاج کاراں نے نوجوانان مانہ منشیات غی بدعتی بدعت ور تشویش ظاہر کرتاں واں اس سلسلہ مانہ ضروری کارروائی غو مطالبو کیو۔ اس احتجاج مانہ سماجی کارکنان تے عام شہریاں نے شرکت کی۔ جموں پراونس بچاؤ منچ غا چنرمین تے سابق ایم ایل سی آشوک شرما نے اس موقع ور احتجاج کاراں غا اجتماع سنگ خطاب کیو۔ اُنہاں نے نوجوانان مانہ منشیات غا استعمال غا مازا اثرات بارے بیداری پیدا کرن غی ضرورت ور زور پایو۔ اُنہاں نے کہیو۔۔ بانٹ۔

مزید خبراں نال عبدالرحمان شاہین۔ ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس (تیں یہ خبر مہاری موبائل ایپ تے ڈی ٹی ایچ ور وی دستیاب ہیں

India Poverty

اک نواں اخبار غے مطابق گذشتہ کج دہا یاں تیں بھارت مانہہ غریبی غی شرح مانہہ خاطر خواہ کمی آئی ہے۔ ماہر اقتصادیات سرجیت سنگھ بھلہ تے کرن بھاسن غی طرفوں سال 23/2022 تے 24/2023 بارے شائع کیا جان آلا اخبار نے حال ہی مانہہ جاری کیا گیا کُنباں غا خرچ بارے اعدادو شمار غو تجزیو کیو ہے۔ ان جانزاں تیں حاصل کیا گیا اعدادو شمار تیں پتو چلے جے بھارت مانہہ غریبی غی سطح مانہہ خاطر خواہ کمی آئی ہے۔ اخبار غو دعوو ہے جے انتہائی غریبی ہُن کھٹ غے نہ ہون غے پروپر ہی رہ گئی ہے۔ اخبار غو یوہ وی دعوو ہے جے بھارت مانہہ سال 12/2011 تیں سال 24/2023 توڑی غے بشکار نہ پروبری غی سطح مانہہ وی خاصی کمی دیکھی گئی ہے۔

Capex Budget Tourism

کمشنر سیکریٹری سیاحت یشا مُدگل نے سول سیکریٹریٹ مانہہ اک اعلیٰ سطحی میٹنگ غی صدارت کی۔ تانجے سیاحت محکمہ غاکیپکس بجٹ 25/2024 غو جائزولیاو جا سکے۔ اس غے علا وہ سیاحت غی ترقیاتی اتھارٹی یعنی ٹی ڈی اے غی کارکردگی تے کم کاج غو وی تجزیو کیو گیو۔ میٹنگ غے دوران جاری سیاحتی پروجیکٹاں غی عمل آوری بنیا دی ڈھانچہ مانہہ بہتری تے خطہ مانہہ سیاحت نانہہ فروغ دین واسطے ٹی ڈی ایز غی عملی استعداد نانہہ بہتر بنان ور توجو دتی گئی۔ تبادلہ خیال غے دوران کمشنر سیکریٹری نے مختص کردہ فنڈز غا بہترین استعمال تے جاری پروجیکٹاں غی بروقت تکمیل غی ضرورت ور زور دتو گیو۔ انتظامی عمل نانہہ موثر بنان غی اہمیت نانہہ اُجاگر کرتاں واں اُنہاں نے پروجیکٹاں غا تیز تر نفاذ تے معیاری خدمات غی فراہمی ور زور دتو۔ تانجے سیاحتی تجربہ نانہہ مزید بہتر بنایو جا سکے۔

CCTNS Review

اُدھم پور، ریا سی رینج غا ڈی آئی جی نے ایس ایس پی اُدھم پور غے ہمراہ پولیس تھانہ ریمبل غو دورو لا غے نگران افسراں تے تحقیقاتی افسراں سنگ میٹنگ لا ئی۔ اس موقعہ ور اُنہاں نانہہ روز مرہ غا جرائم تے جرائم غو پتو لان بارے ڈھانچہ تے نظام سی سی ٹی این ایس غا ڈاٹا فیڈینگ غا عمل بارے جانکاری دتی گئی۔ اس توں علا وہ ڈی آئی جی موصوف نانہہ بکھ بکھ پورٹلاں غی جانکاری وی دتی گئی، جن مانہہ آئی سی جے ایس، سی آر آئی ایم اے سی تے این سی سی آر پی وغیرہ غا پورٹل شامل این۔ ڈی آئی جی موصوف نے اس موقعہ ور تحقیقاتی افسراں نانہہ ہور موثر طریقہ سنگ کم کرن غی ہدایت کی۔ اسے دوران سنینر سپرنٹنڈنٹ آف پولیس جموں جو گیندر سنگھ نے وی سی سی ٹی این ایس ڈاٹا فیڈینگ غا عمل غو پولیس تھانہ بخشی نگر جموں مانہہ معائنو کیو۔ اس موقعہ ور اُنہاں نے تھانہ غا تمام آئی اوڑ تے منشی نانہہ یہ اعدادو شمار بذاتِ خود فیڈ کرن غی ہدایت کی، نالے اس کم غی موثر عمل آوری تے درستگی ور زور پایو۔ اُنہاں نے ان اہلکاراں نانہہ ہدایت کی جے وے ڈاٹا فیڈینگ غا عمل غی خاطر چھڑا سی سی ٹی این ایس او پریٹراں ور ہی منحصر نہ کریں۔

Clean Samba

ضلع ترقیاتی کمشنر سانہہ راجیش شرما نے پنچائت بھدیری مانہہ صاف ستھرہ سانہہ مہم غو پائلٹ پروجیکٹ غے طور ور آغاز کیو۔ اس مہم غو مقصد کچرہ غی علیحدگی نانہہ فروغ دینو تے کوڑہ تیں آمدن پیدا کرنو ہے۔ اس پہل غے تحت مقامی لوکاں غی مدد واسطے کوڑہ دن تقسیم کیا گیا، تانجے وے کوڑا کرکٹ نانہہ موثر طریقہ سنگ سنبھال سکیں، تے اس نانہہ ری سائیکل کر سکیں۔ اس موقع ور خطاب کرتاں واں ضلع ترقیاتی کمشنر راجیش شرما نے سائنسی طریقہ سنگ کچڑہ نانہہ نپٹان غی ضرورت ور زور دتو۔ انہاں نے اس قدم نانہہ اک مکمل ماحول دوست سبز پہل قرار دتو۔ جس مانہہ کچرہ غی ترسیل واسطے بیٹری سنگ چلن آلا آٹو رکشا استعمال کیا جائیں گاتے نامیاتی فضلہ نانہہ کھاد مانہہ تبدیل کیو جا ئے گو۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگار یعنی پی ٹی سی غا پینل غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ غابسنیک ویں تے اُن غی عمر غی حد 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گریجویشن غے ہمراہ 2 بہراں غو صحافت مانہہ تجربو مقرر کیو گیو ہے۔

اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وہ ضلع صدر دفتر کٹھوعہ مانہہ یا اس تیں 10 کلو میٹر غادانرہ اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئندہ 7 مارچ توڑی دینی ویگی۔ اس بارے مزید جانکاری ویب سائٹ

www.newsonair.gov.in

ور دستیاب ہے۔
